

Prijedlog

IZVJEŠTAJ O RADU UPFBiH
2009.godina

april 2010.

Sadržaj

UVOD

1. ZASTUPANJE INTERESA POSLODAVACA U PARTNERSKIM ODNOSIMA SA DRŽAVNIM ORGANIMA

1.1. INICIJATIVE KROZ EKONOMSKO-SOCIJALNO VIJEĆE FBiH

2. RAD ORGANA I STRUČNIH TIJELA UDRUŽENJA

2.1. SKUPŠTINA UDRUŽENJA

2.2. UPRAVNI ODBOR

2.3. PREDSEDNIK UPRAVNOG ODBORA

2.4. STRUČNA SLUŽBA

2.5. KOMISIJE

3. SARADNJA SA SREDSTVIMA JAVNOG INFORMISANJA

4. AKTIVNOSTI UPFBiH U OKVIRU PROJEKTA

4.1 USAID ELMO

4.2 EU VET BiH 3

4.3. MEĐUNARODNA ORGANIZACIJA RADA (ILO)

4.4. IFC-SVJETSKA BANKA

4.5. EU-IZGRADNJA KAPACITETA SOCIJALNIH PARTNERA ZA USPOSTAVU ESV NA DRŽAVNOM NIVOU

4.6. SARADNJA SA DRUGIM UDRUŽENJIMA POSLODAVACA

5. USLUGE ČLANOVIMA UPFBiH

6. OSTALE AKTIVNOSTI UPFBiH

Uvod

Ovaj Izvještaj obuhvata najznačajnije aktivnosti Udruženja poslodavaca u FBiH u toku 2009. godine

Aktivnosti UPFBiH u 2009. godini su bile su veoma zapažene. Održani su brojni skupovi poslodavaca, međunarodni susreti predstavnika poslodavaca i delegacija, okrugli stolovi, poslovne konferencije i sl. sa kojih su upućivani prijedlozi za poboljšanje poslovnog okruženja u FBiH i Bosni i Hercegovini.

Udruženje poslodavaca FBiH je jedini zakonski zastupnik poslodavaca u Ekonomsko socijalnom vijeću FBiH putem koga je uključeno u vođenje zajedničke djelatnosti socijalnih partnera u oblasti ekonomske, socijalne i razvojne politike te afirmacije i zaštite ekonomskih i socijalnih prava odnosno interesa poslodavaca, kao i zaključivanje kolektivnih ugovora.

I pored teške finansijske situacije i globalne ekonomske krize, kao i nepovoljnog privrednog ambijenta u kome su se odvijale poslovne aktivnosti, UPFBiH je najveći dio programskih zadataka u 2009. godini je uspješno realizovalo. To je ostvareno zahvaljujući dobroj i koordiniranoj aktivnosti organa, stručnih tijela i Stručne službe UPFBiH. Tome je doprinijela i uspješna saradnja sa drugim organima i institucijama u čijoj nadležnosti je privredna problematika, kao i napredak u saradnji sa organima Vlasti na entitetskom i državnom nivou.

Udruženje poslodavaca FBiH je o svom radu i aktivnostima redovno informisalo javnost putem medija, press konferencija i drugih komunikacijskih kanala. Na organima i stručnim tijelima redovno su razmatrane informacije o radu između sjednica, analizirani rezultati izvršenja utvrđenih zaključaka, vršene korekcije u prioritetu aktivnosti zavisno od aktuelne privredne situacije i zahtjeva članova, i o tome se na adekvatan način upoznavalo članstvo Udruženja i šira javnost.

1. Zastupanje interesa poslodavaca u partnerskim odnosima sa državnim organima

Najvažnije aktivnosti Udruženja u 2009. godini u zastupanju interesa članova Udruženja u partnerskim odnosima sa organima izvršne vlasti i uprave, ostvarivale su se kroz kontinuirano praćenje primjene privredne legislative na stanje pojedinih oblasti privrede i privrede u cjelini, predlaganje njihovih izmjena i dopuna, razmatranje zakonskih i

podzakonskih akata u fazi donošenja i praćenje efekata donesenih zakona na poslovanje privrede kroz rad Ekonomsko socijalnog vijeća. .

Do perioda izrade ovog Izvještaja, Udruženje je na mnogobrojne zakonske i podzakonske akte kroz Ekonomsko socijalno vijeće uputilo primjedbe i prijedloge: Zakon o radu, Zakon o zaštiti na radu, Zakon o privrednim društvima, Izmjene i dopune Opšteg kolektivnog ugovora itd.

Osim datih prijedloga, upućena su brojna mišljenja i sugestije na pojedina zakonska akta o čemu su redovno informisani članovi Udruženja, kao i javnost putem medija i web-stranice Udruženja.

Potpisivanjem Sporazuma o stabilizaciji i pridruživanju Bosna i Hercegovina u junu 2009. stupa u prvi ugovorni odnos sa Evropskom unijom. Zadatak BiH je da sprovede dogovorene odredbe iz Sporazuma i da nastavi sa svojim aktivnostima u ispunjavanju kriterija za punopravno članstvo, u čemu je uloga poslovnog sektora nemjerljiva.

Svjesni kako pogubne posljedice na ekonomiju BiH može proizvesti globalna finansijska i ekonomsk akriza, UPFBiH je sačinilo paket mjera za ublažavanje posljedica krize. Ovaj Paket je nakon rasprave usvojen na UO UPFBiH. Na osnovu prijedloga UPFBiH Vlada FBiH i Savez samostalnih sindikata su potpisali Sporazum o njegovoj realizaciji. Takođe su predstavnici UPFBiH sa SSSBiH potpisali i Socijalni sporazum u kojem su se obavezali da će, ukoliko Vlada FBiH realizira naše prijedloge, nastojati da zadrže dostignuti nivo zaoposlenosti i da će se uzdržati od eventualnih otpuštanja radnika.

Predloženi paket mjera je zahtijevao hitno :

- rasterećenje privrede kroz smanjenje doprinosa i parafiskalnih nameta;
- reforme javne uprave;
- dovođenje potrošnje u sklad sa ubiranjem prihoda;
- pokretanje velikih i važnih infrastrukturnih projekata za koje su obezbjeđena finansijska sredstva kroz potpisane ugovore o kreditima sa Svjetskom bankom , EBRD i EIB.

Koliko su naši zahtjevi bili opravdani i realni pokazuje i činjenica da su većinu naših zahtjeva u pregovorima za kreditna sredstva od MMF-a predstavnici ove međunarodne finansijske organizacije prihvatili i postavili kao zahtjev Vladama u BiH na svim nivoima.

Kroz ispunjavanje uslova MMF Vlada FBiH je veliki dio naših zahtjeva usvojila kroz izmjene Zakona u oblasti socijalne politike.

No mi još uvijek nismo zadovoljni jer nije došlo do rasterećenja privrede , na čemu ćemo i dalje insistirati.

1.1. INICIJATIVE KROZ EKONOMSKO SOCIJALNO VIJEĆE FBIH

Udruženje poslodavaca je također reagovalo na Prijedlog zakona o izmjenama i dopunama Zakona o privrednim društvima. Kroz Ekonomsko socijalno vijeće zatraženo je od nadležnih organa da Zakon o izmjenama i dopunama Zakona o privrednim društvima bude povučen iz parlamentarne procedure, te da se u formi Nacrta uputi u javnu raspravu jer je Zakon o privrednim društvima općevažeći sistemski zakon i, na određen način, predstavlja ustav privrednih subjekata.

Pored navedenog Paketa mjera za ublažavanje ekonomske krize na čijem ćemo se ispunjavanju i dalje zalagati, naša delegacija je radila i na izmjenama utvrđenog teksta Zakona o privrednim društvima i uspjela se izboriti da ovaj Zakon pretrpi velike promjene kroz amandmane koje smo predložili i o kojima smo vodili duge i iscrpljujuće rasprave na sjednicama ESV-a FBIH.

Od stupanja na snagu Zakona o radu uočeni su problemi u primjeni, pa se predloženim izmjenama pokušalo na bolji način regulisati pojedina pitanja, a uvedeni su novi instituti koji do sada nisu bili regulisani ovim zakonom.

Ovom reformom predložene su izmjene od kojih je najvažnije napomenuti članove kojim je definirana direktna i indirektna diskriminacija u odnosu na uvjete zapošljavanja, uvjete rada i prava iz radnog odnosa, obrazovanje i usavršavanje, otkazivanje ugovora o radu. Zakonom je također utvrđen postupak utvrđivanja reprezentativnosti sindikata i poslodavaca.

Navedene su samo neke predložene izmjene koje su najznačajnije za poslodavce. Važno je napomenuti da su navedene izmjene samo prijedlog Radne verzije Zakona što ne znači da će bez izmjena proći kroz zakonodavnu proceduru. Ovo se pokazalo tačnim i Zakon je još uvijek u proceduri usvajanja u Parlamentu Federacije.

Tokom 2009. godine Udruženje je ponovo nadležnim organima za razmatranje uputilo inicijativu za izmjene Uredbe o članarima u turističkim zajednicama. Uporedo sa inicijativom za izmjenu članarine u turističkim zajednicama Udruženje je uputilo inicijativu Ministarstvu poljoprivrede, vodoprivrede i šumarstva Federacije BiH za izmjenu Zakona o šumama u smislu da se izmijeni osnovica (ukupan prihod), za obračun naknade za korištenje općekorisnih funkcija šume. Pored navedenih inicijativa Udruženje je kroz Ekonomsko socijalno vijeće zatražilo od Vlade analizu svih dodatnih parafiskalnih opterećenja u cilju ukidanja onih opterećenja koja dodatno otežavaju rad poslodavaca.

Na pomenute inicijative Vlada je dala obećanje da će u narednom periodu raditi na smanjenju dodatnih opterećenja i unaprjeđenju poslovnog ambijenta a što je i potvrdila u decembru 2008 godine potpisivanjem Socijalnog sporazuma i Programa mjera za ublažavanje globalne ekonomske i finansijske krize.

2. Rad organa i stručnih tijela udruženja

Rad organa i stručnih tijela Udruženja odvijao se u skladu sa Statutom i drugim općim aktima Udruženja.

Stručna tijela u saradnji sa UO UPFBiH pripremala su sve sjednice UO i usvojila stavove koje će naši predstavnici delegacije kroz ESV-e zastupati na sjednicama.

2.1. SKUPŠTINA UDRUŽENJA

U 2009 godini održana je jedna sjednica Skupštine (VIII Skupština).

Na VIII sjednici, održanoj 18.marta 2009. godine u Sarajevu razmatrana su sljedeća pitanja:

- Razmatranje i usvajanje zapisnika sa VII redovne Skupštine UPFBiH održane dana 13.marta 2008.
- Razmatranje i usvajanje Izvještaja o radu U.O. UPFBiH za 2008/2009. godinu
- Razmatranje i usvajanje Finansijskog izvještaja UPFBiH za 2008. godinu
- Razmatranje i usvajanje Programa rada UPFBiH za 2008/2009. godinu
- Razmatranje i usvajanje Finansijskog plana UPFBiH za 2009. godinu
- Razmatranje Prijedloga novog Statuta UPFBiH
- Izbor članova Upravnog odbora UPFBiH

2.2. UPRAVNI ODBOR

U toku 2009 godine od formiranja novoizabranog Upravnog odbora do marta 2009. godine održano je 8 sjednica Upravnog odbora Udruženja 8; 9; 10;11;12;13;14 i 15 sjednica.

Osma sjednica Upravnog odbora Udruženja poslodavaca FBiH, održana je dana 20.01.2009. godine u prostorijama «ASA-HOLDING» (Bulevar Meše Selimovića 16.) u Sarajevu.

Deveta sjednice Upravnog odbora Udruženja poslodavaca FBiH, održana je dana 17.02.2009. godine, u prostorijama «ASA-HOLDING» (Bulevar Meše Selimovića 16.) u Sarajevu

Deseta sjednica Upravnog odbora Udruženja poslodavaca FBiH je održana 10.03.2009. godine u prostorijama «ASA-HOLDING» u Sarajevu.

Jedanaesta sjednica Upravnog odbora Udruženja poslodavaca FBiH, održana je dana 21.04.2009. godine u prostorijama «ASA-HOLDING» (Bulevar Meše Selimovića 16.) u Sarajevu.

Dvanaesta sjednica Upravnog odbora Udruženja poslodavaca FBiH, održana je dana 19.05.2009. godine u prostorijama «ASA-HOLDING» (Bulevar Meše Selimovića 16.) u Sarajevu.

Trinaesta sjednica Upravnog odbora Udruženja poslodavaca FBiH, održana je dana 07.07.2009. godine u prostorijama «ASA-HOLDING» (Bulevar Meše Selimovića 16.) u Sarajevu.

Četrnaesta sjednica Upravnog odbora Udruženja poslodavaca FBiH, održana je dana 22.09.2009. godine u prostorijama «ASA-HOLDING» (Bulevar Meše Selimovića 16.) u Sarajevu.

Petnaesta sjednice Upravnog odbora Udruženja poslodavaca FBiH, održana je dana 15.12.2009. godine u prostorijama «ASA-HOLDING» (Bulevar Meše Selimovića 16.) u Sarajevu.

Upravni odbor je na većini sjednica razmatrao stanje i probleme sa kojima se susreću poslodavci u FBiH i predlagao konkretne aktivnosti na njihovom rješavanju. Razmatrani su i rezultati u provođenju zaključaka i prijedloga Upravnog odbora sa ranijih sjednica.

Sve odluke koje je usvojila Skupština Udruženja, prethodno su razmatrane, i u vidu prijedloga usvajane na sjednicama Upravnog odbora.

Pored zapisnika i izvještaja o aktivnostima između dvije sjednice koje su redovne tačke dnevnog reda, Upravni odbor je razmatrao materijale i zauzimao stavove za svaku sjednicu Ekonomsko socijalnog Vijeća te donosio odluke i zaključke, davao podršku po drugim važnim pitanjima, kao što su:

- Razmatranje Programa rada UPFBiH 2009 godine;
- Izvještaj delegacije ESV-a sa svake sjednice Ekonomsko socijalnog vijeća i prijedloga dnevnog reda za sljedeću sjednicu ESV-a;
- Inicijativa o primjeni Konvencije 102.;
- Inicijativa za izmjene i dopune Općeg kolektivnog ugovora;
- Informacija o radu na izmjenama i dopunama Zakona o radu;
- Izvještaj o radu Komisije za finansijsku i fiskalnu politiku i Komisije za zakonodavstvo;
- Informaciji o sastancima sa predstavnicima zakonodavne i izvršne vlasti kao i sa

predstavnicima međunarodnih institucija (Premijer; Ministri; Svjetska banka; Fondacija „Odraž“, Udruženje banaka BiH i td.)

- Rasprava o mjerama Vlade FBiH za ublažavanje posljedica globalne finansijske krize;
- Rasprava i utvrđivanje Prijedloga mjera Udruženja poslodavaca FBiH za rasterećenje privrede;
- Razmatranje zahtjeva Grupacije metalne industrije za utvrđivanje povoljnijih cijena električne energije kao mjere za ublažavanje krize na tržištu metala;
- Informacija o aktivnostima na unapređenju rada i pripremama za uspostavljanje ESV-a na državnom nivou;
- Razmatranje Socijalnog sporazuma za period 2009-2010 godina;

2.3. PREDsjedNIK UPRAVNOG ODBORA

Predsjednik Udruženja Nihad Imamović pokretao je i aktivno učestvovao u kreiranju i realizaciji programskih ciljeva Udruženja. Neposredno je učestvovao u radu svih organa i tijela Udruženja, pripremi i verifikaciji materijala za sjednice, susretima, poslovnim kontaktima i razgovorima sa predstavnicima poslodavaca u zemlji i inozemstvu, predstavnicima vlada na svim nivoima, te sa poslovnim partnerima iz inozemstva diplomatsko-konzularnim i drugim predstavništvima, institucijama i asocijacijama proširujući postojeće i predlažući nove sporazume o unapređenju poslovne saradnje.

Angažovao se sa svojim saradnicima a u saradnji sa Unijom poslodavaca Republike Slovenije na pripremi i održavanju Konferencije „ Kako brže u Evropu“ u oktobru 2009. Na ovoj Konferenciji učešće su uzeli između ostalih gđa Doris Pack, gđin.Tomas Sailer, Predsjednik Busines Europe gđin.Philipe de Buck, resorni ministri i mnogi drugi. Ova Konferencija je polučila veliki uspjeh i rezultirala prijemom APBiH u članstvo BusinessEurope u novembru 2009.godine.

Predsjednik Udruženja je dao značajan doprinos prezentaciji aktivnosti Udruženja široj javnosti putem susreta poslodavaca, seminara i drugih oblika okupljanja poslodavaca, kao i putem sredstava javnog informisanja.

2.4. STRUČNA SLUŽBA

Stručna služba broji 3 zaposlenika po osnovu ugovora o radu.

U Udruženju je naglašena tendencija stalnog usavršavanja i edukacije zaposlenika, putem seminara, kurseva i stručne literature, što doprinosi unapređenju oganizacije i rada Stručne službe, čime se osavremenjuju, nadopunjuju i proširuju servisi i usluge koje Udruženje pruža svojim članovima.

Stručna služba je provodila stalne aktivnosti, kako bi se zadržalo postojeće člansvo i obezbijedio priliv novih članova Udruženja, te ostvario što veći stepen naplate članarine.

Stručna služba, pored mnogih aktivnosti koje je sama inicirala, kao i inicijativa koje su potekle od članova Udruženja, na svaki zahtjev odgovarala je blagovremeno, stručno i kvalitetno. Rad svih organa i tijela Udruženja je bio uspješan zahvaljujući stručnoj službi koja je glavni koordinator svih aktivnosti u Udruženju.

Sve navedene i druge nepomenute aktivnosti, Stručna služba Udruženja je mogla ostvariti zahvaljujući veoma dobroj organizaciji, sinhronizovanoj saradnji, timskom radu i pojedinačnom angažovanju zaposlenika Udruženja. Na taj način Stručna služba je dala svoj doprinos opstanku i radu Udruženja u uslovima teškog finansijskog stanja i globalne ekonomske krize.

2.5. KOMISIJE

Unutar Udruženja formirane su Komisija za zakonodavstvo i Komisija za finansijsku i fiskalnu politiku. Komisije su razmatrale specifičnu problematiku određenih privrednih oblasti i dale veliki doprinos za pokretanju inicijativa za donošenje novih zakona, izmjena i dopuna zakona, podzakonskih akata u cilju poboljšanja poslovnog ambijenta.

Komisije su radile na sljedećim zakonima:

- Inicijative za ukidanje parafiskalnih opterećenja
- Zakon o izmjenama i dopunama Zakona o radu
- Zakon o izmjenama i dopunama Zakona o privrednim društvima i drugi zakonski i podzakonski akti iz oblasti ekonomske, socijalne i razvojne politike
- Zakon o zaštiti na radu
- Izmjene i dopune Općeg kolektivnog ugovora koji u postojećim okolnostima predstavlja ozbiljnu kočnicu u prilagođavanju BiH principima tržišne ekonomije.

3. Saradnja sa sredstvima javnog informisanja

Dobra saradnja Udruženja poslodavaca u FBiH sa medijima nastavljena je i tokom 2009. godine. Objavljeno je više priloga, informacija i vijesti na gotovo svim lokalnim printanim (Dnevni avaz, Dnevni list, Oslobođenje, Nezavisne novine, Poslovne novosti, i dr...) i elektronskim medijima (BHTV1, TV Federacije BiH, TV ALFA, TV Kantona Sarajevo, NTV Hayat, Radio Federacije BiH, RTRS, BH, Radio Slobodna Evropa Radio Tuzla i dr.) i drugim novinskim agencijama.

Vijesti o aktivnostima Udruženja redovno su objavljivane na internetu, kako na web stranici

Udruženja, tako i na brojnim domaćim i stranim web-portalima o ekonomiji kao što su eKapija, SeeBiz i mnogim drugim. Nakon svih značajnijih susreta, konferencija kojima su prisustvovali predstavnici medija, organizovane su press konferencije na kojima su predstavnici naših organa, Predsjednik i saradnici, obavještavali javnost o bitnim pitanjima koja su se na tim konferencijama razmatrala.

U prethodnoj godini rad UPFBiH je pobudio veliki interes medija. Predstavnici UPFBiH su imali preko 200 istupa u medijima, bili učesnici u tematskim emisijama na TV i radio stanicama na cijelom prostoru BiH.

4. Aktivnosti UPFBiH u okviru projekata

Udruženje poslodavaca FBiH u periodu 2009.god. nastavilo već uspostavljenu dobru saradnju i ostvarilo je niz projekata sa nekolicinom međunarodnih organizacija.

4.1. USAID ELMO

ELMO projekat je osmišljen da pomogne malim i srednjim preduzećima u Bosni i Hercegovini na način da eliminiše razne prepreke u pravnom i institucionalnom okviru zemlje, a koje ponekad ne ostavljaju izbora za mala i srednja preduzeća koja su prinuđena da rade nezakonito. ELMO projekat djeluje u tri osnovna pravca:

- Uspostava jedinstvenog sistema za prikupljanje doprinosa
- Fleksibilnost tržišta rada
- Unaprijeđenje primjene zakona u oblasti rada

Udruženje je do sada učestvovalo u sve tri navede komponente i tom prilikom aktivno učestvovalo u izradi Zakona o jedinstvenoj naplati doprinosa, Zakona o zaštiti i sigurnosti zdravlja na radu i Zakona o izmjenama i dopunama Zakona o radu. Navedeni Zakoni su u formi prijedloga upućeni u dalju proceduru.

4.2. EU VET BiH 3

Udruženje poslodavaca FBiH je uključeno u projekat Europske Unije EU VET BiH 3. Do danas je u sklopu ovog projekta urađen veliki broj aktivnosti, a najvažniji među njima su;

- “Strategija razvoja VET-a za period 2007-2013.” se posebnom preporukom za kreiranje državnog kvalifikacijskog okvira za BiH u skladu sa Evropskim kvalifikacijskim okvirom (EQF-European Qualification Framework);
- 2004. godine, tokom EU VET2 Programa, grupa eksperata je radila na racionalizaciji Nomenklature zanimanja izradila prijedlog Nove klasifikacije zanimanja koja sadrži 13 porodica zanimanja sa ukupnim brojem od 100 zanimanja. Prijedlog je usvojen i implementiran i u FBiH i u Republici Srpskoj;
- 2007.godine, “Kvalifikacijski okvir visokog obrazovanja u BiH” je završen u okviru zajedničkog projekta Evropske komisije i Vijeća Evrope;
- U februaru 2008., u okviru EU VET 3 programa, izrađen je dokument “Identifikacija stručnih kvalifikacija” koji opisuje 16 zanimanja u pogledu tri ishoda učenja - znanja, vještina i kompetencija – u skladu sa općepoznatim pristupom koji se primjenjuje kod kvalifikacijskog okvira.

Preko stotinu poslodavaca, koje je preporučilo Udruženje, učestvovalo je u identifikaciji stručnih kvalifikacija u sklopu 16 zanimanja. Udruženje poslodavaca FBiH će nakon završetka projekta nastaviti raditi na nekim aktivnostima ovog projekta kao što je uspostavljanje tripartitnih odbora na nivoima škola.

4.3. MEĐUNARODNA ORGANIZACIJA RADA (ILO)

U saradnji sa Međunarodnom organizacijom rada (ILO) dogovorili smo projekat anketiranja članstva na cijelom prostoru BiH, pa tako i Federacije. U ovoj anketi smo tražili mišljenje naših članova o postojećem zakonodavstvu i stanju u privredi i u isto vrijeme smo od njih tražili da iznesu svoje stavove i daju prijedloge mjera za unapređenje poslovnog ambijenta.

4.4. IFC SVJETSKA BANKA

U saradnji sa IFC pokrenuli smo projekat regulatorne reforme pod naslovom „Giljotina propisa“ u kojoj je glavni cilj da se kroz obavljenju stručnu analizu svih zakona koji su na snazi u FBiH uklone nedosljednosti tih zakona i izvrše izmjene koje će omogućiti efikasniji i uspješniji rad poslodavaca na prostoru Federacije BiH.

4.5. EVROPSKA UNIJA

U saradnji sa EU počela je realizacija projekta „Izgradnja kapaciteta socijalnih partnera na svim nivoima“ te uspješno zastupanje interesa poslodavaca u ESV-ma . Krajnji cilj ovog projekta je pripremiti potencijalne kandidate iz Federalnog udruženja za učešće u radu ESV-a na državnom nivou.

Pored navedenih aktivnosti Udruženje poslodavaca je surađivalo i sa međunarodnim organizacijama poslodavaca (IOE; UEAPME; UNICE). Zahvaljujući već dobro uspostavljenoj saradnji i stalnoj korespondenciji sa njihovim sekretarijatima redovno nam se dostavljaju materijali vezani za nove legislative EU koje su od značaja za našu zemlju.

Na pozive međunarodnih organizacija uposleni u Sekretarijatu kao i zainteresovani članovi UPFBiH učestvovali su u studijskim putovanjima na kojima su ostvareni prijateljski odnosi sa institucijama koje su posjetili. Nastavljena je saradnja sa već postojećim kontaktima sa Ministarstvom za rad, porodicu i socijalnu politiku u Sloveniji, Italijanskom komorom u Sarajevu, ILO-om i drugim institucijama.

4.5. SARADNJA SA DRUGIM UDRUŽENJIMA POSLODAVACA

Udruženje poslodavaca FBiH konstantno radi na održavanju već uspostavljene saradnje sa Udrugom poslodavaca Hrvatske, Udruženjem poslodavaca Slovenije i Unijom poslodavaca Srbije i Crne Gore, Udruženjem poslodavaca Makedonije i udruženjima poslodavaca iz evropskih zemalja što nam omogućava razvijanje još jačih i neposrednijih odnosa.

Udruženje poslodavaca Federacije BiH je ostvilo dobru saradnju sa svim granskim udruženjima koja su aktivna i djeluju u okviru UPFBiH. Organi i tijela UPFBiH su tijesno surađivali sa kantonalnim udruženjima u Federaciji BiH i radili na pripremi njihovih delegacija u ESV na kantonalnim nivoima.

Obzirom da u većini kantona u Federaciji još uvijek ne postoje ESV-a, radićemo ubuduće na tome da pomognemo kantonalnim organizacijama na uspostavi ESV-a.

Pored ovih aktivnosti, radimo na kontaktiranju i njegovanju dosadašnjih odnosa sa institucijama koje su izvan BiH, očekujemo da dođe i do poslovnih kontakata sa sličnim udruženjima ili organizacijama poslodavaca kako iz zemalja regije tako i iz Evrope.

5. Usluge članovima UPFBiH

Udruženje poslodavaca FBiH je u proteklom periodu pridobilo veći broj novih članova. Članovima našeg Udruženja smo blagovremeno pružali veliki broj poslovnih informacija kao i pravnih savjeta korisnih za njihovo poslovanje.

Redovno smo ih obavještavali o radu ESV-a u Federaciji BiH, tražeći od njih da i sami iznesu probleme koja otežavaju njihovo poslovanje, kako bi naša delegacija u ESV-u mogla taj problem pokušati riješiti u okviru tripartitnog dijaloga koji se tamo vodi.

UPFBiH stoji na raspolaganju svojim članovima u pogledu svih servisnih pitanja i dodatnih informacija. Također smo redovno putem elektronske pošte dostavljali sve Zakonske i podzakonske akte koji su nam bili dostupni. Na taj način našim članovima je omogućeno da daju svoje prijedloge i primjedbe i aktivno učestvuju u kreiranju povoljnijeg poslovnog okruženja.

Pravovremeno su obavještavani o seminarima i drugim okupljanjima koja se tiču poslovanja i poslovnih odnosa vodeći pri tome računa da informacije koje im pružamo budu od koristi za naše članove.

6. Ostale aktivnosti UPFBiH

Pored prioritarnih aktivnosti, Udruženje poslodavaca FBiH radi na konstantnom lobiranju novih članova Udruženja. Svakodnevno su kontaktirane najmanje 20 uspješnih kompanija iz Federacije BiH po ustaljenom načinu, tj. putem fiksa se prosljeđuje propratno pismo i materijal o Udruženju, te u narednim danima putem telefona zakazuju sastanci sa direktorima kompanija i obavljaju razgovori o ućlanjenju. Organizirani su brojni sastanci sa poslodavcima iz razlićitih oblasti u svrhu eventualnog ućlanjenja u UPFBiH.

Udruženje poslodavaca FBiH radi i na upoznavanju bh poduzetnika sa znaćajem i ulogom Ekonomsko socijalnog vijeća FBiH u stvaranju povoljnijeg poslovnog okruženja.

Redovno smo pratili poslovne uspjehe bh poduzetnika, te smo im na vrijeme upućivali ćestitke za njihovo uspješno poslovanje i putem ćestitki ih pozivali da postanu ćlan UPFBiH.

U proteklom preiodu smo izlobirali i upoznali impozantan broj poslodavaca sa postojanjem Udruženja i svakodnevno radili na bazi podataka poduzeća koja postoje na teritoriji Federacije BiH. U protekloj godini smo napravili vjerodostojnu bazu podataka od 500 najuspješnijih kompanija u Federaciji, radi lobiranja i uspostavljanja poslovne saradnje s njima. Također je napravljena baza podataka članova Udruženja poslodavaca sa svim relevantnim podacima.

Putem saopštenja za javnost obavještavali smo medije o nekim značajnim skupovima ili događajima koji su se dogodili u protekloj godini. Prisustvovali velikom broju seminara, konferencija, workshopova i okruglih stolova koji su od koristi za educiranje zaposlenog kadra u Sekretarijatu UPFBiH.

Redovno pratimo web stranice Evropske unije, Evropske komisije i ostalih međunarodnih organizacija i institucija u cilju obaviještenosti o objavljenim tenderima.

Sarajevo, april 2010.god

-Upravni odbor-